

Aristoph. in Vespis. opposuit, et Aristophanes inter regios pisces retulit. Athenaeus εὐχυνον, πολύχυλον, γλίχρον, δύσφθαρτον, πολύτροπον, et ἐρητικὸν facit, quae sequuntur transposita esse, ut Rondeletius observavit, videntur, qui enim potest aliquid esse γλίχρον et εὐπεπτον, glutinosum, et concoctu facile. Philo-Galen. de Alim. l. 3. c. 30.

ARTICVLVS VI.

De Synodonte sive Dentice.

TAB. XVIII. 9. **S**ynodon piscis παρὰ τὰς ὀδόντας nomen invenit, quod si prima syllaba per jota scribatur, παρὰ τὸ σίνεσθαι καὶ βλάπτειν τοῖς ὀδῶσιν, quod dentibus noceat, ita vocatur. Gaza *Denticem*, Albertus *Dentatum*, alii *Dentalem* nominavere. Plinius Graecam nomenclaturam retinuit. In Adriatico mari in insignem magnitudinem excrescit; in littore Auratam non superat. Vulgarium pondus trium aut quatuor librarum esse solet: decem librarum pondere observavit Salvianus. *Dorsum* habet repandum; latera satis compressa. *Caput* nonnihil fastigiatum, in quo lapides, qui *Synodontides* vocantur, gerit; *rostrum* acutum, *Os* satis amplum, valdeque denticulatum, praeter minores ac ferratos, superior *maxilla* quinque aliis, inferior octonis permagnis, caninis simillimis armatur. *Oculi* sunt magni, branchiae utrinque quaternae. In *dorso pinna* unica viginti aculeis munitur. *Cauda* est falcata. *Venter* argenteus, unde album Numenius vocavit: latera et dorsum ex albo rubent. Unde ruber Ovidio, ἐρυθροποιμίλος Epicharmo.

Aldrovandus duos alios forte congeneres huic addit; quorum prior *tergus* viride, *Synciput* aureum, *branchiarum* ossa violacea. Alteri os intus et extra subatrum, supra id macula caerulea: sub branchiarum pinnis macula insignis, pur-

puraceis, aureis decorata squammis. *Venter* flavus; *squammæ* argenteae.

Pelagium quidem Columella facit cum Ovidio, sed Aristoteli et Oppiano, quibus littoralis est, suffragantur piscatores. Probantur ex Dalmatia et Illyrico, praesertim Salana atque Tragurio. Columella Punicas et indigenas nominat.

Carne tandem vescitur, et tanta cum aviditate, ut ventriculus in os procidat. Polypi carne inprimis delectatur, quem cum e cubili suo extrudere non possit, ante ostium tanquam mortuus fluctuat, brachium extendentem, arripit, sed et in ostrea ac pisces innoxios grassatur: nec Boce, quod ab Oppiano proditum, parcat. Gregales sunt, et συναγελάζεσθαι καὶ ἡλικίαν solent: per adolescentes κατ' ἡλικίαν νέχοντας, separatim a reliquis natant. ἐντελέεσθαι πάλιν κοινῇ; firmiori aetate inter se vitae communitate junguntur. Cibo a piscatore demisso, in orbem consistente, et signum quasi eo arripitur, dant.

Ab Antiphone inter lautissima obsonia recensentur. Hicestus copiosius esse alimenti, et difficulter excerni scribit. In Italia peculiare condimentum quod amarinare vocant. In Dalmatia concisus et semicoctus multo croco et perspicuo gelu conditur, detestatum Aponensi obsonium.

ARTICVLVS VII.

De Synagride et Chromi.

TAB. XVIII. 10. **D**e SYNAGRIDE pisce diversae sunt apud Autores opiniones. Massarius et Gelius adeo similes, ut vix discerni queant, volunt. Rondelietius sola